

279. zk.

Bigarren aroa

Ekainak 15
2016

Irungo
euskarazko
hamabostekaria

Irunero

Elkarrizketa

Paco Carrillo, Alarde Tradi-
zionaleko Jeneral berria



Erreportajea

Alarde Publikoko belau-
naldi aldaketa



Sanmartzialak 2016

www.irunero.com

Sar
zaituz
web orrian eta
Facebooken



Gora San Martzial !!!

copias
colón

soluzio grafikoak

Luis Mariano 12
20302 IRUN

T 943625318
F 943639960



Alarde Tradizionala: Armen ikuskatzea eta entseguak

Armen ikuskatzea EKAINAK 29

| | | |
|----------------------------------|------------------|-------|
| ZALDITERIA | | |
| San Juan plaza | 15:50 | |
| URANZU | | |
| Uranzu kalea | 16:00 | |
| AMA SHANTALEN | | |
| Urdanibia plaza | 16:05 | |
| BEHOBIA | | |
| M ^a Juncal Labandibar | 16:25 | |
| BIDASOA | Alunda | 16:50 |
| AZKEN PORTU | | |
| Dario de Regoyos | 17:20 | |
| BUENOS AMIGOS | | |
| Artiako zubia | 17:35 | |
| MEAKA | Ibarrola | 17:45 |
| OLABERRIA | Estebenea | 18:35 |
| SANTIAGO | | |
| Prudencia Arbide | 18:50 | |
| ARTILLERIA | | |
| San Juan | 19:00 | |
| LAPITZE | | |
| Alai-Txoko parkea | 19:25 | |
| BELASKOENEA | | |
| Belaskoenea ikastetxea | 19:40 | |
| BENTAK | | |
| Ezurriki Kalea | 19:55 | |
| ANAKA | F. Iratxeta | 20:15 |
| SAN MIGEL | A. Anguera plaza | 20:30 |
| REAL UNION | | |
| Zabaltza | 20:45 | |

| KONPAINIA | Ekainak | Ekainak | Ekainak | Topalekua | Ordua |
|--------------------|------------|------------|------------|----------------------------------|-------|
| DANBORRADA | | 24 (23:00) | 27 (22:00) | Urdanibia - San Juan | |
| BANDA | 21 (21:30) | 24 (23:00) | | San Juan-Urdanibia | |
| BEHOBIA | 20 | 21 | 22 | Kaiola taberna | 21:00 |
| BENTAK | 18 | 22 | 23 | Ongi Etorri taberna | 21:30 |
| MEAKA | 20 | 21 | 22 | Errota Zahar | 21:00 |
| BIDASOA | 20 | 21 | 22 | Alunda | 21:00 |
| SAN MIGEL | 20 | 21 | 22 | Geltoki kalea | 20:45 |
| OLABERRIA | 17 | 20 | 22 | Estebenea | 20:30 |
| AMA SHANTALEN | 20 | 22 | 23 | Urdanibia plaza | 21:15 |
| ANAKA | 20 | 21 | 22 | Aiako Harriak kalea | 21:00 |
| BUENOS AMIGOS | 20 | 21 | 22 | Erromes plaza | 21:15 |
| URANZU | 20 | 21 | 22 | Uranzu kalea | 21:15 |
| SANTIAGO | 20 | 22 | 23 | Platanoen plaza | 20:45 |
| LAPITZE | 21 | 22 | 23 | Aduana, 58 | 21:15 |
| REAL UNION | 20 | 22 | 23 | Zabaltza plaza | 21:00 |
| AZKEN PORTU | 20 | 21 | 22 | Auzo elkarte Pio Baroja kalea | 21:00 |
| BELASKOENEA | 20 | 21 | 22 | Auzo elkarte | 21:00 |

ARRANKADILLA, 25ean. Banda eta Danborrada batera, 24an, 23:00etan Urdanibian.

Alarde Publikoa: Armen ikuskatzea eta entseguak

Armen ikuskatzea EKAINAK 29

| | |
|-----------------------------------|--|
| ZALDITERIA | |
| 16:00 Zabaltza plazan. | |
| SANTIAGO | |
| 16:30 Triangelu plazatxoan. | |
| BIDASOA | |
| 17:00 Antonio Valverde kalean. | |
| AMA XANTALEN | |
| 17:15 Urdanibia plazan. | |
| OLABERRIA | |
| 17:25 Victoriano Juaristi kalean. | |
| ARTILLERIA | |
| 17:50 San Juan plazan. | |
| LAPITZE | |
| 18:25 Pio XII plazan. | |
| LANDETXA | |
| 19:07 Bizkaia kalean. | |
| ANAKA | |
| 19:40 Puiana hiribidean. | |

| KONPAINIA | Ekainak | Ekainak | Ekainak | Topalekua | Ordua |
|-----------------------------|------------|------------|------------|------------------------------------|-----------------------------|
| BIDASOA | 20 | 22 | 24 | Palmera Montero, Tahonaren ondoan. | 20:30 |
| LANDETXA | 21 (20:00) | 23 (20:30) | 25 (20:00) | Bizilagunen Elkartea | |
| OLABERRIA | 21 | 23 | 24 | Willy ostatua | 20:30 |
| AMA XANTALEN | 17 (20:30) | 21 (20:30) | 23 (20:00) | Peña kalea | |
| LAPITZE | 17 | 22 | 24 | Pio XII plaza | 20:00 |
| ANAKA | 20 | 22 | | Txanaleta plaza | 20:30 |
| SANTIAGO | 18 | 21 | 22 | Triangelu plaza | 20:30 |
| DANBORRADA | 27 | | | Peña kalea | 21:00 |
| BANDA eta DANBORRADA | 29 | | | Peña kalea | 21:00etan, Urdanibia plazan |

UNO MAS

- Txakur ile-apaindegia
- Zure maskotarentzako osagarriak
- Elikadura naturala
- Zuretzako opariak

Sebastián Errazu kalea, 7, beheko solairua, Iruñ 943 013 303
(Aduana kalearen eta Pio XII plazaren ondoan)

[unomasirun](http://unomasirun.com)

Kupoi hau aurkeztuz

%50

lehenengo hilabetean

www.gym30.es

GYM30

fitness femenino

zirkuito 30min- hipopresiboak- zumba
GAP- bodybasic- aerobikoa- pilates
nutrizioa- estetika eta masaje

Hondarribia kalea, 29  943 614776

Transmisioa zainduz

Badator belaunaldi aldaketa Alarde Publikoko agintari postuetan



Alarde Publikoko parte hartzaileen kopurua handituz doa, pixkanaka. Gero eta gaztetxo gehiago ikus daitezke konpainietako lerroetan. Agintari postuetan, ordea, bereranoak dira nagusi. Erreleboa emateko lanean hasi dira batzuk, dena den, gazteen indarrari eta ilusioari paso emanaz. Tino Zamora aurten izango da, azken aldiz, Santiago konpainiako Kapitain. Gertu izango du Francisca Alzamora, adi-adi, bere lekua hartuko baitu datorren urtean.

Bidasoa konpainiako Kapitain izateari utzi ondoren, eroso hartu zuen eskopeta Tino Zamorak. Orduantxe ekin zioten, ordea, Santiago konpainia eratzeko lanari. Auzoko lauzpabost lagun arteko kontua izan zen, hasieran. "Erdi txantxetan hasi ginen, baina jendearekin hitz egiteari ekin genionean, ideiak zentzua izan zezakeela kusi genuen", azaldu du Zamorak: "Seme-alabengatik edo beste arrazoiengatik desfilatzeari utzi zion jende asko zegoen auzoan. Baina Santiago konpainia martxan jartzekotan, aterako zirela baieztatu ziguten". 2014an sortu zuten konpainia, eta ehun kideetik gora izan zituen lehen urtean. "Sekula desfilatu ez zuen jendea, edo desfilatu gabe denbora zeramana bildu genuen, batez ere", argitu du Zamorak.

Sablea hartu behar izan zuen berrir, konpainiak proposatuta, bere esperientzia baliagarria izango zelakoan: "Laguntza emateko konpromisoa hartu nuen, baina argi utzi nuen bizpahiru urte egingo nituela, eta gero gazteei pasako niela lekukoa". Karmele Tolosa Tenientea izan du ondoan, denbora horretan. "Bere aita Santiago konpainiako Teniente izan zen urtetan, eta ilusio berezia zuen", adierazi du Zamorak. Aurten azken aldiz izango da Kapitain, ordezkua lortu duelako. Francisca Alzamora da, eta ondo ezagutzen dute elkar, konpainiako lehen Kantinera izan baitzen, 2014an. Aurreneko aldiz desfilatu zuen orduan. Esperientzia ederra izan zela esan du: "Nik denbora neraman desfilatu nahian, baina ez nekien non edo norekin. Oso urte polita izan zen. Konpai-

nia berria zen, ez genekien dena ondo aterako zen. Hala ere, giro bikaina izan genuen azkenean".

Kapitain izateko proposamena luzatu ziotenean, Alzamora ez zuen zalantzarik izan: "Gazteek ardurak hartzea positiboa da. Aurrekoek lan handia egin dute, baina iraganean geldituko bagina, ez genuke aurrera egingo". Ikasteko azken urtea izango du aurten, datorren urtean Tino Zamora ordezkatu aurretik.

"Maisu bikaina" izango duela adierazi du Alzamora. "Bi konpainia gidatu ditu jada", azpimarratu du. Zamorak bermatu du arreta handia eskainiko diola ondorengoari. Ez zaiola informaziorik edo irakaspenik faltako. "Beti pentsatu izan dut erreleboa ez dela besterik gabe pasa behar. Gauza asko daude irakasteko", gaineratu du.

Virginia Bercedo, erreferente

Tino Zamorak Francis Alzamoraekin egingo duen lanak, badu aurrekaririk. Bidasoa konpainiako kapitain izateari utzi zionean, berdina egin zuen Virginia Bercedorekin. Aurten, laugarren urtea izango du dagoeneko Bercedok, bere azkena. Emakumezko Kapitain bakarra izango da Irungo Alarde Publikoan. Horregatik, eta aspaldiko laguna duelako, erreferente

izango duela aitortu du Francis Alzamora: "Bere lekukoa ere hartuko dut, neurri batean". Lagunari eman dion aholku nagusia azaldu du Virginia Bercedok: "Mundu guztia ez da berarekin ados egongo, ezinezkoa da hori. Berak erabakiak hartu beharko ditu, eta ondo aztertutako arrazoi jakin batzuegatik egingo du".

Ilusioz biziko du Virginia Bercedok bere azken urtea. Pena puntu batekin ere bai.

Hala ere, pozik dago, Alardearen beste ikuspegi bat ezagutzeko aukera izan duelako. Zeharo ezezaguna, jende askorentzat: "Ez duzu berdin bizitzen. Agintari

"Argi utzi nuen bizpahiru urte egingo nituela, eta gero gazteei pasako niela lekukoa"

Tino Zamora, Santiagoko Kapitaina

postua duzunean, Alardearen gaiarekin urte erdia ematen duzu. Lan eta denbora gehiago eskatzen ditu". Azken hilabeteetan sartuta, bilerak astero izaten dituztela adierazi du Bercedok: "Ia etxeok baino gehiago ikusten ditut Alardeko lagunak. Azkenean, sanmartzialetakoa familia modukoa osatzen dugu, ordu asko pasatzen ditugulako elkarrekin". Ardurak handiagoa ere badu Kapitain izateak. "Badakizu, konpainian arazoren bat sortuz gero, zu zarela erantzulea", nabarmendu du. Alzamora-ren ideia berdina azpimarratu du, dena den, Bercedok. Gazteen ikuspegi freskoa beharrezkoa dela.



Ketty's Academy

- Klaseak taldeka eta pertsonalizatuak
- Esperientzia zabala ingelesaren irakaskuntzan
- Enpresentzako klaseak: ingelesa, alemana, italiara, frantsesa, espainiera
- Maila guztiak
- Tituluak eskuratzeko klaseak

Kale Nagusia, 27
943 635259
IRUN
J. M. Iparragirre
kalea, 10 - behe 4
IRUN
652 777 360
kethysacademy@gmail.com

EGONALDIAK EEUetako familirekin



Ingelesa 4 urtetik aurrera !!

Batera biziko dute

Irati Icardo eta Ane Unanue lagunak urte berean izango dira Kantinera, Alarde Publikoan



Kuadrillan Kantinera edukitzeak poza eta ilusioa eragiten ditu gehienetan. Lagun taldea pixka bat aztoratu ere egin dezake. Baina urte berean bi edukitzea, batzuentzat, eromena izan daiteke. Irungo Alarde Publikoan gertatu da aurten, Ane Unanue eta Irati Icardo lagunak batera izango baitira Kantinera. Unanue Zalditerian, eta Icardo, Bidasoa konpainian.

Aldi berean izango zarete kantinera. Nola hartu duzue albistea?

ANE UNANUE: Bagenekien biak aurkeztuko ginela, eta nola biziko genuen adostu genuen, duela zenbait hilabete. Ahalik eta gehien disfrutatzea jarriko dugu beste edozeren gainetik. Egia da pena ematen digula, niri Iratiren urtea %100ean bititzea gustatuko litzaidakeelako, eta alderantziz.

Dena den, ni Zalditerian aterako naizenez, ez dut entsegurik edukiko, eta kuadrillakoez ez dute erdibitu behar izango. Gainera, Iratiren entseguak ikusi ahal izango ditut, eta bere ondoan aterako naiz egun batean.

IRATI ICARDO: Gauza onak ere edukiko dituela pentsatu behar dugu. Ekainaren 28ko Kantinearen aurkezpena, adibidez, batera biziko dugu. Eta 29an ere topo egingo dugu, Jeneralak Bidasoa konpainiaren armen ikuskatzea egiten duenean. Momentu berezia izango da hori.

Aspaldiko asmoa zenuten Kantinera ateratzea?

IRATI ICARDO: Egia esan, nik txikitatik nahi nuen Kantinera izan. Nire amona, nire izeba, eta nire birramona Kantinera izan ziren. Duela hiru urte, nire ahizpa ere ateraz zen, Bidasoan, baita ere. Bere ondoan desfilatu nuen, eta oso-oso polita izan zen.

ANE UNANUE: Nire gurasoak eta familia ez dira irundarrak, eta ni naiz etxean festa gehien bizi duena. Baina betidanik ikusi izan ditut bi Alardeak, eta Zalditeriako Kantinearena izan da beti, niretzat, figura erakargarriena.

Argi izan duzue, beraz, Zalditerian eta Bidasoan ateratu nahi zenuela?

ANE UNANUE: Zalantzarik gabe. Txikitatik gustatu izan zaizkit zaldiak, eta oso eroso sentitzen naiz zaldi gainean. Aurtengoa ezberdina izango da, eta egia da hasieran arraroa dela amazona aulkarekin joatea.

Dena den, behin postura egokia harrapatuta, ez dago arazorik.

IRATI ICARDO: Desfilatzen hasi nintzanean, Ama Xantalenen ateratu nintzen. Baina nire aita Bidasoan ateratu izan da beti, eta nire ahizpa Bidasoan izan zen Kantinera. Urte horretan Bidasoan ateratu nintzen, eta aurrerantzean nire konpainia izan da. Gustuko dut, ez delako konpainia arrunta. Irungo bandera hartzeko momentua oso berezia da.

Prestaketei dagokienez, zer iruditu zaizue zailena?

IRATI ICARDO: Hiru entseguetarako arropa eta oinetako egokiak aurkitzea. Orokorrean, prestaketak ez dira horren konplikatuak, denborarekin eginez gero, ez dago arazorik. Bestalde, Kantinearen Batzordeak asko laguntzen digu. Aholku eta truku pila ematen dizkigute. Xehetasunak dira, baina asko laguntzen dute.

ANE UNANUE: Bitxia dirudi, baina niretzat, gauza zailenetariko bat, ekainaren 30ean bazkaltzeko lekua topatzea izan da. Guk San Martzial egunean ez dugu familia bazkari handirik egiten, baina aurten senide asko etorriko dira, eta lekua aurkitzeko larri samar ibili gara. Erdigunean ez zegoen tokirik, eta hiriaren kanpoaldeko jatetxe batean lekua lortu dugu azkenean.

Soldadu ateratu zarete biak, Kantinera izan aurretik. Nola hasi zineten desfilatzen?

IRATI ICARDO: 2010ean hasi nintzen ateratzen, txilibitoarekin. Ikusten nuena gusatzen zitzaidan. Gainera kuadrillako bat

desfilatzen hasi zen orduan, eta animatu egin nintzen.

ANE UNANUE: Joan den urtean ateratu nintzen lehen aldiz. Txikitatik gustatu izan zaizkit Alardeak. Lagun bat Kantinera ateraz nintzen gehiago murgildu nintzen festan, eta barrutik ezagutzeko gogo sartu zitzaidan. Hurrengo urtean desfilatzea erabaki nuen.

Zer nolako esperientziak bizi izan dituzue Alardean?

ANE UNANUE: Ordura artekoarekin konparatuta, oso esperientzia desberdina izan zen. Kanpotik esaten da berdindisfrutatzen dela, baina ez da gauza bera. Kontatzen dizute, eta imajina dezakezu, baina nik behintzat, ez nuen horrenbeste gozatzea espero.

IRATI ICARDO: Gogoratzen dut lehenengo urteetan oso urduri jartzen nintzela, bai goizean, baita arratsaldean ere. Hala ere, oso gustura ateratu izan naiz beti.

Zer aldatuko da aurten zuentzat?

IRATI ICARDO: Soldadu zarenen oso ondo pasatzen duzu, asko disfrutatzen duzu. Baina Kantinera zarenen protagonista zara, denek txalotzen zaituzte, eta alde horretatik, bereziagoa da. Ni oso urduria naiz orokorrean, eta ez dut pentsatu nahi aurten nola jarriko naizen.

ANE UNANUE: Jendeak ez du soldaduen aurpegietan arreta jartzen. Oharkabean pasatzen zara. Kantineak, berriz, begirada guztiak jasotzen dituzte. Hori da alderik handiena.



Hodei Sagarzazu
Danborrada

Alarde Publikoko Kantinerak 2016



Iraia Gordo
Banda



Irunero

Iruneroko lantaldeak San Martzial jai
zoriontsuak opa dizkie irundar guztiei

Gora San Martzial!!!!



Irati Icardo
Bidasoa



María Peregrina
Olaberria



Saioa Cuñado
Ama Xantalen



Izaro Tranche
Lapitze



Irati Noain
Anaka



Olatz Ugarte
Santiago



Ane Unanue
Zalditeria



Sara Mariezkurrena
Landetxa



Irati Beorlegi
Artilleria